



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

Quòd in exiliũ pulsos Christianos reuocauit, vt hoc pacto ecclesiam magis
diuexaret, & quæ mala contra Christianos excogitauit. Capvt V.

urn:nbn:de:hbz:466:1-12718

Quod in exiliū pulsos Christianos reuocauit, vt hoc pacto ecclesiam magis diuexaret, & quæ mala contra Christianos excogitauit.

CAPVT V.

DVm hæc acri studio molitur, omnes, qui propter religionē, regnante Constantio, in exilium pulsi fuerāt, reuocauit, & proscriptis bona sua lege restituit. Quinetiam populo præcepit, ne quis quenq̄ Christianum vel iniuria afficeret, vel contumelia, néue ad immolandum eos inuitos traheret. Qui autem eorum sua spōte ad aras forte accederent, vt hi primum dæmones, quos Gentiles ἀποθροαιούς, id est, depulsores malorū vocat, placarent, iussit, & expiationibus, quibus ipsi vti solent, purgarentur. At clericis omnem immunitatem, honorem, & frumenti congiaria ipsis à Constantio donata, ademit: legesq; eorū causa cōditas abrogauit, & eos denuo curijs ad dicit. Porro à virginibus & viduis, quæ in clerū erant propter egestatem ascriptæ, ea exigi mandauit, quæ ante ab ærario publico acceperant. Nam cum Cōstantinus res ecclesiæ ritè disposuisset, ex vectigalibus cuiusque ciuitatis ea, quæ erant satis ad res comparandas necessarias, clero cuiusque ecclesiæ erogauit, illudq; lege stabiliuit: quæ lex ex eo tempore, quo moriebatur Iulianus, hætenus diligenter obseruata fuit. Hanc exactiōem multò crudelissimā fuisse & acerbissimam prædicant. Atq; tabulæ à patribus cōfectæ, ad eum finem, vt res, quas ex lege Cōstantini acceperant, ita demonstratæ, restituerentur, de his, quæ erant à Iuliano exacta, planè testificari possunt. Verūm imperator odiū aduersus religionem Christianam conceptū, non his rebus exsaturauit, sed flāma iræ contra fidē incensus, nullū perditū conatus genus prætermisit, quò ecclesiā dei euerteret. Nam pecuniam, monumenta, vasa sacra ex ea abstulit, delubra, regnante Cōstantino, & filio etiam Cōstantio diruta, eos, qui ea demoliti fuerant, aut denuò ædificare, aut pecuniæ summā, quæ ad illud præstandum satis æstima retur, persoluere coegit. Atq; non modò hi, qui neutram harum rerum præstare poterant, verūm etiā sacerdotes, clerici, & alij multi Christiani, dū de pecunijs, quæ sacra erāt,

○ & ec-

SŌZOMENI HISTOR.

& ecclesiarū propriā, inquisitio fieret, grauer torq̄ueban-
 tur & in carceres etiam conijciebantur. Quare ex his om-
 nibus cōiectura capi potest eum, quanquam in cædibus fa-
 ciendis, & supplicijs ad corpus cruciandum excogitandis,
 paulo moderatior fuit his, qui antè ecclesiam fuerant per-
 secuti, in alijs tamen rebus longe fuisse crudeliorem. Nam
 constat illum in omnibus acerbè & grauer eam affli-
 ctasse, præterquam quòd episcopos & sacerdotes tempo-
 ribus Cōstantij exilio addictos reuocauit. Ac fama est eū
 non misericordia adductū istud de illis mādaturū dedisse,
 sed vt vel ipsi ob mutuam inter se susceptam contentionē,
 bello intestino oppugnarent ecclesiam, & à suis ipsorū le-
 gibus institutisq; desciscerent, vel vt ille ipse Cōstantij
 exiltimationem maleuola obtrectatione læderet. Nam ei
 iam mortuo odiū per vniuersum imperiū se cōcitaturū
 putabat, si tum Gentiles, vt suæ religionis fautores, obser-
 uantia coleret, tum his, qui eo regnante, propter Chri-
 stum grauer cruciabantur, tanquam iniuria affectis mise-
 ricordem se præberet. Quinetiam eunuchos velut in eūbe-
 neuolos, è palatio exegit. Eusebium item, qui in eius aula
 principem locum tenuerat, morte multauit. Etenim cum
 isto priuatim sibi intercedebant inimicitia, propterea q̄
 Gallum fratrem insidijs ab eo paratis interfectum suspi-
 catur. Aëtium porrò hæresis Eunomianæ authorem exi-
 lio à Constantio condemnatum, & suspectum præterea,
 ob consuetudinem quam cum Gallo habuerat, literis per-
 humanitūs scriptis, factaq̄ue ei potestate quoque iumen-
 torum, quæ ad cursum publicum subministrari solent, ad se
 accersiuit. Adde his Eleusiu episcopum Cyzici, cui simili
 de causa tum in mandatis dedit, grauisima multa ei præ-
 scripta, vt suis sumptibus intra bimestre spatiū ecclesiam
 Nouatianorum, quam, imperante Cōstantio, diruerat, de-
 nuò ædificaret. Denique alia etiam cōplura reperire licet,
 quæ propter odium imperatoris Cōstantij ipse partim se-
 cerat, partim ab alijs fieri permiserat.

*Quòd Athanasius apud virginem quandam pudicam &
 formosam delitescens, post septem annos exactos
 comparuit, & Alexandriam ingressus est.*

CAPVT VI.

Eodem